

«Әл-Фараби атындағы Қазақ Ұлттық университеті» КеАҚ  
Журналистика факультетінің «Баспагерлік-редакторлық және дизайнерлік  
өнер» кафедрасы мен «Qaz Project Pro» жауапкершілігі шектеулі  
серіктестігі арасындағы әрекеттестік жөніндегі  
**келісімшарт**

Алматы қаласы

20 қаңтар 2023 ж.

«Әл-Фараби атындағы Қазақ Ұлттық университеті» Коммерциялық емес акционерлік қоғамының, (бұдан әрі «Университет») – атынан Жарғының негізінде әрекет ететін, Журналистика факультетінің деканы Нұржан Қуантайұлы бір тараптан және «Qaz Project Pro» жауапкершілігі шектеулі серіктестігі, – бұдан әрі «Серіктестік», – Жарғы негізінде әрекет ететін директор Алтыншаш Бердібекқызы Құрманбекова екінші тараптан, (бұдан әрі «Тараптар») төмендегідей келісімшарт жасасты:

### 1. ЖАЛПЫ ЕРЕЖЕЛЕР:

«Әл-Фараби атындағы Қазақ Ұлттық университеті» КеАҚ «Баспагерлік-редакторлық және дизайнерлік өнер» кафедрасының (бұдан әрі «Кафедра») білім беру жүйесіне сәйкес Тараптар «Qaz Project Pro» жауапкершілігі шектеулі серіктестігінің (бұдан әрі «Серіктестік» – «Көркем» брендімен) базасында оқу-тәжірибелік, ғылыми зерттеу және шығармашылық мақсатта бірлесіп әрекет етуге келісті.

Кафедраның мақсаты – «Баспа ісі», «Дизайн», «Медиадизайн», «Баспа менеджменті және типографика» мамандықтары бойынша білім алушылардың, ізденушілердің кәсіби біліктілігін өндірістік тәжірибе негізінде жетілдіру, оқу үдерісінің тәжірибелік бағытын күшейту, сондай-ақ бірлескен ғылыми зерттеулер жүргізу, олардың нәтижелерін өндіріске енгізу.

Серіктестік өзінің өндірістік қажеттілігіне қажетті мамандарды дайындау үшін Кафедраға ұсыныс енгізуге және білім алушылардың арасынан білікті кадрларды байқау негізінде таңдап алуға мүдделі.

Серіктестікте Кафедраға қажетті шығармашылық және оқу-тәжірибелік жұмыстарды қамтамасыз етуге қажетті материалдық-техникалық базаны кафедрамен келісе отырып өзі жасақтайды және жетілдіріп отырады.

### 2. СЕРІКТЕСТІКТІҢ МІНДЕТТЕРІ

2.1. Кафедраның тәжірибе жинақтаушыларына қажетті жағдайлар жасау:

а) жалдау ақысын алмай оқу-тәжірибелік жұмыстарын жүргізу үшін арнайы орын бөлу және оны жабдықтау;

ә) оқу-тәжірибелік жұмыстар жүргізу үшін тиісті құрал-жабдықтармен қамтамасыз ету;

б) тәжірибе жинақтаушыларға қауіпсіз еңбек жағдайын қамтамасыз ету;

в) бірлескен ғылыми-зерттеу жұмыстарын жүргізуге мүмкіндік жасау және оның нәтижелерін өндіріске енгізу;

г) «Баспа ісі», «Дизайн», «Медиадизайн», «Баспа менеджменті және типографика» мамандықтары бойынша бакалавриат, магистратурада тәжірибенің барлық түрлерін жүргізу мақсатында ұзақ мерзімді қосымша келісімшарттар жасау.

2.2. Оқу-әдістемелік және ғылыми-зерттеу жұмыстарын жүргізу үшін тәжірибе жинақтаушыларға қажетті серіктестіктің білікті қызметкерлерімен қамтамасыз ету.

2.3. Студенттердің курстық, дипломдық жұмыстарының (жобаларының), магистранттар диссертацияларының және кафедра ОПК-ның ғылыми-зерттеулерінің тақырыптарын бекітуге, жүзеге асыруға қажеттілігі мен мүмкіндіктеріне орай серіктестіктің өкілдерін қатыстыру.

2.4. Кафедра оқытушыларының тағылымдамадан өтулеріне жағдайлар жасау.

### **3. УНИВЕРСИТЕТТІҢ МІНДЕТТЕРІ**

3.1. Кафедра серіктестік базасында мыналарды жоспарлауы керек:

- 6B02101-Баспа ісі, 6B02102-Дизайн, 6B02103-Медиадизайн, 7M02103-Баспа менеджменті және типографика, 7M02104-Медиадизайн, 7M02102-Дизайн пәндері бойынша зертханалық-тәжірибелік сабақтар;

- студенттердің өндірістік (диплом алдындағы) тәжірибесі;

- курстық жобалар және диплом жобалары (жұмыстары);

- ғылыми зерттеулер жүргізу және олардың нәтижелерін өндіріске ұсыну, енгізу.

3.2. Кафедра ОПК арасынан Серіктестіктегі бірлескен жұмыстар үшін жоғары білікті қызметкерлермен қамтамасыз ету.

3.3. Серіктестіктің қажеттіліктері мен мүмкіндіктерін ескере отырып, курстық, дипломдық жұмыстар (жобалар) тақырыбын келісу.

3.4. Келісімшарт негізінде серіктестіктің өтінімдері бойынша мамандарды мақсатты түрде даярлауды жүргізу. Серіктестік қызметкерлерінің біліктілігін арттыруға атсалысу.

3.5. Серіктестік қызметкерлері арасынан ізденушілердің ғылыми жетекшілігін қамтамасыз ету.

### **4. КЕЛІСІМШАРТТЫҢ ҚОЛДАНЫЛУ МЕРЗІМІ МЕН ТАЛАПТАРЫ**

4.1. Келісімшарт екі тарап та қол қойған сәттен бастап күшіне енеді. Тараптар 5 жыл бойы әрекет етеді. Келісімшарт оны жасасуға қатысатын

тараптардың келісімі бойынша ұзартылуы немесе тоқтатылуы мүмкін. Келісімшартқа өзгерістер мен толықтырулар жазбаша түрде және келісімшартқа қосымша түрінде жасалады.

Келісімшарттың қабылданған міндеттемесін тараптардың бірі бұзған кезде екінші тарап қарсы жақты 10 күн ішінде жазбаша түрде хабардар ете отырып келісімшартты бұзуға құқығы бар.

4.2. Туындаған даулар тараптар арасындағы келісім жолымен шешіледі, ал келісім болмаған жағдайда – қолданыстағы заңнамада көзделген тәртіппен жүзеге асады.

4.3. Келісімшарт тең құқықтық күші бар 2 дана болып жасалды; біреуі университетте, екіншісі ұйымда сақталады.

**«Qaz Project Pro» жауапкершілігі**

**шектеулі серіктестігі**

БИН 190 740 003 353

KZ966018771000281511 – KZT е.ш.

БИК HSBKZKX

«Қазақстан Халық Банкі» АҚ Алматы қаласы

Индекс 050050. Мекен-жайы: Алматы қ., Жетісу ауданы,

Төретай көш., 9 ғимарат.

**«Qaz Project Pro» ЖШС директоры**

**А.Б. Құрманбекова**



**«Әл-Фараби атындағы ҚазҰУ»**

**КеАҚ,**

БИК HSBKZKX

КБЕ 16 ИИК

KZ156010131000194743(KZT),

«АО «Народный банк Казахстана»

АҚ Алматы қ.

Индекс 050040.

Мекен-жайы: Алматы қ.,

әл-Фараби даңғылы, 71,

**Журналистика факультетінің деканы**

**Н.Қ. Қуантаев**

